

肥鄉縣志卷二十七

孝友

象賢崇德義無取用力用勞視膳問安心原期必誠必信
但庸愚分所限無違者禮以自閑而風化感遂通不置者
類期能錫倫常果無忝自然至誠感神菽水可承歡何必
椎牛致祭艱難險阻遇變則皎皎錚錚恭敬溫文安常則
融融洩洩一肯不足掩大德無需責備求全百世可以俟
聖人自能廉頑立懦志孝友

明

楊鳳號樂泉庠生父兄早沒事母色養不衰母卒既葬廬於

肥鄉縣志

卷二十七

孝友

一

墓側時流賊劉六擁眾殺掠鄉人幸之去鳳泣曰吾忍以
吾母為死而棄之耶終不去賊至知其故相約莫犯鄉人
就廬中避難俱得全活有枯樹復榮冬日結瓜人以為孝
感所致子宗智事父亦以孝稱

張桂生增生七日而孤母李氏苦志撫育教訓有方早年入

邑庠孝友端方母死慮墓三年服闋請闕上書情詞懇切

隆慶二年奉 旨旌表諭曰母為節婦兒為孝子仍準食

餼於庠著有感懷詩一卷行世

張濟桂子父歿設位於中庭出必告反必面每食必祭客至

酌酒設先享父之而後飲年三十年如一日齊目不識丁乃
能動合古法如 年縣志言巡按王之良皆旌以重

石守道事孀母徐氏以孝聞崇禎戊寅亂兵突至守道負母走將東渡漳河兵至欲殺其母守道以身蔽翼匍匐哀請願以身代不許守道置母於地直前受刃騎卒爭磔之母是以得渡河去鄉人哀而斂其屍知縣郝綱立石表其墓

國朝

程陸拔貢生生二歲失怙母郭氏撫養成立陸抱恨終天致哀致誠終身素服時以孝聞子禹書亦天性孝友康熙壬寅拔貢生

前志載在陸母郭氏傳中特爲表出

韓印父光順早亡家計單寒兄弟五人俱幼兄雷少長能自

肥鄉縣志

卷二十七

孝友

二

餬口又恐其弟累之也與母別居印年甫十五歲上事寡母下撫諸弟艱難險阻獨立成家而兄雷已貧甚欲分其產詭以繼母逐出爲辭訟於官官廉得其情欲責雷以警不孝印代爲乞免且邀與同居終身無間言晚年雷乏嗣又以弟之子嗣之人皆以爲難

高崑監生性孝父病藥必親嘗衣不解帶者三月及破廬

俱廬柩側三年不入寢室祖父母病侍疾亦如事父母然破

俱廬柩側十餘年夫婦未嘗會面乾隆初年奉

旨旌表

裴方城增生少孤貧遭繼母之變竭誠事親勞而不怨宗族稱孝人無間言秉性端方動必以禮閒居獨處亦無惰容

教法嚴明得其傳者皆為端士子青藜歲貢生

鄭克恭庠生性孝友母患癰數年奉事不衰兄性愚曾有三

子克恭視如己出教訓成立初無子晚年娶妾生子丕振

家聲同時庠生趙逢時耿介廉靜亦以孝友聞

石蘊珽監生溫良慈惠事繼母必誠必孝處諸弟相好無尤

禮讓尤重於鄉鄰卒之日晨興沐浴無疾而終年八十有

四

王倉未讀詩書持身端謹事親尤以至孝聞初家貧無嗣後

連生三子無疾而終年九十

武達道廩生家貧而事親以孝後以貿易致富色養終身不

肥鄉縣志

卷二十七

孝友

三

袁處事公平人尤欽服

楊履安嘉慶癸酉年歲凶荒與母難河南母病亡履

安年甫十三負骨歸葬人稱為奇孝

苗雨潤生父喪廬墓三年永年刑部郎武汝清旌以攀栢

風高匾額同治癸亥兵亂與其子在家俱遇害人祀昭忠

祠括貢生程陸子禹書諸生裴方城之邵克恭武達道苗霖雨監生

苗霖雨庠生安貧孝母就養無方與弟友愛終身無間處鄉

退讓卒年七十三